

QVÆSTIO MEDICA

1176

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS IV. MARTII.

M. CLAVDIO GVERIN, Doctore Medico, Præsidente.

An sit insita alicui homini naturaliter vis curandi morbos?

NATVRAM extra individua quærere vanum: consultius multò Philosophus in ipsismet singularibus communem simul & privatam agnoscit. Medicus partam consuetudine indolem ab ingenità, nudam & simplicem, ab eà quæ vi aliquâ cælesti adornata est distinguit: vniuersa quæque opera ab his fontibus profluunt: qui in pluribus eiusdem speciei pari modo existit, actio- num naturæ fons est primarius: qui verò ex vniuscuiusque peculiari fundo scaturit, alter ab illo est. Cum hi conflunt, quidquid naturalis est moliminis perficitur, secus ne minima quidem opella ab his expedanda. Venit & aliquando in consortium tanti operis consuetudo, non quidem vt parens, sed vt obstetrix. Sola, sepositâ natura, vis supernaturalis potest & corporibus elicere actiones mo- dò celeriores, modò valentiores, modò productiores quàm par sit. Potest & aliquando educere quæ alterius generis quàm agentis natura ferat, quod vt scire summè necessarium, sic & dignoscere non multum operosum, præsertim ei qui probè tenuerit naturam nouerim non esse, sed optimam matrem quæ vt omnes suos eiusdem agnationis nepotes amoribus pares sociaret, inter eos perpetuò voluit esse omnem, ratione potestatum qualitatem: nullam, ratione operationum, disparitatem, vtque se omnibus ex æquo communicavit, sic nec aliquam potuit in vno potius quàm in alio effunde- re proprietatem.

ID omne quod intra naturæ pomeria efficitur facultatis est opus, siue ingenitæ, siue adventitiæ: illam promiscuè in animatorum & inanimatorum gregè reperies, hanc frequentius in viventibus, rarius in vita destitutis. Concors hæc discordia ab his ex quibus constant dispari conditione manat: tante molis est agendi facultatem sibi comparare, vt vix id assequatur iners & otiosa lapidum metallorum & cadaverum forma: actiuosâ verò & irrequietâ semper agitatione mota viventium anima perpetuò aliquid novi consequitur, aut saltem consequi apta: nec reluctantem experitur in eo materiam cuius est inquilina, sed vt ex his elementis quæ nunquam in eodem vestigio manent plures portiones in suâ compositione admittit, quàm ea quæ est mixtorum vitæ expertum; non mirum si hæc, torpente illâ, continuò ad novæ cuiusdam facultatis productionem allaboret. Longè alia ratio est insitaturâ naturâ virium; hæ non accersuntur, sed è fecundo sinu subjecti cui inhaerent de- promuntur, non vt peregrinæ ventitantur, sed quasi consociatæ foventur: non vt hospites ad tempus admittuntur, sed quasi vernæ suum in eâ domo in quâ nati sunt perpetuò retinent locum: non paucorum sunt, sed ad omnes eiusdem speciei pertinent: non cuiuslibet partis affectæ, sed perpetuò nobilioris, in viventibus animæ, in cadaveribus & perfectè mixtis formæ principiarum obti- nentis.

NIHIL ex his quæ hoc cæli ambitu continentur mancipij sui est. cuncta naturam vt dominam suspiciunt, constanter servatura quidquid præceperit. eius mandatum homini quantumvis amasio & corculo, iudicium, iustitia, lex est. Imo quo magis cum beneficiis cumulavit, eo pluribus illum nominibus ad sibi obtemperandum adstrinxit. Hinc ne hilum quidem invitâ minervâ suscipit: sed haud secus ac vilissimus quisvis naturæ fœtus acceptâ prius agendi facultate, quæ si fuerit ex intus eius penetrabilibus eruta insita dicitur eritque toti humanæ speciei communis præcipuè cum ad decus aut vtilitatem gentis pertineat aut perfectionem aliquam ipsi adesse denoter: ex eodem enim luto finxit omnibus hominibus præcordia Titan, animasque impertit quæ quævis & æquæ non differant: verum quæ virtutibus pares, sicut lux oculo, *hic* semini, statim atque in loculos muliebres inditum est, adveniunt, vt omne genus partium quod suis edendis actionibus necessarium foret, alienæ industrie fabricandum non committant. Et iure quidem, parandi quippe convenientis instrumenti, nemo meliùs rationem novit eo, qui cupit illud in usum revocare.

VIM omnem curandi morbos vnius eiusdemque rei terminis coerceri posse quis credat? Ipsa pluribus dispersita, paucis negata, maximè homini: nec mireris, qui nullas, quandiu lucis vsurâ fruitur, cum quoquam gerit inimicitias, facultate moribida, quæ *vis* à *vis* perpetuò ducitur careat, necesse est. & si quem forte hac ornatum reperias, cælitus ipsi concessam puta. nihil tale anima (vt & contrarietatis sic & morbi nefcia) ex se profundere valet: corpus verò humanum (in finitum propè morbis obnoxium, quia *vis* in *vis*) in eo auxiliares animæ manus, etiam si vellet, præbere non possit. & sane quæ virtus animæ everfam semel naturalem constitutionem restituet, distortam partium figuram reficiet, se iuncta & suâ sede dimota reponet, hiantia conglutinabit: si in eius potestate sitû non sit alterationem configurationem aut vnionem in alio moliri. Olent ista portentum potius quàm naturam, à verbis quæ non *vis*, sed *vis* quampiam aliquando vim habent, pendere curationem: aut è vivis mortalium corporibus fluere salutes *vis*: vt & ad levissimum contactum è corpore, non secus ac è poroso aurantiij cortice, si digitis leviter comprimis, exilire tenuissimam auram mor- borum expultricem.

SANATIONIS donum, quod hominibus natura denegavit, consuetudo non tribuit, ars non protulit. Hoc aliquando præconceptâ opinio affinxit, fors insinuavit, turpis assentatio Pyrrho, Aureliano, Vespasiano, Adriano & septimo partu natis concessit: nec id te moveat, modo arrendas, facile prejudicatum à vero, fortuitû à certo subditum à genuino distingues. sunt illa nullius, aut levioris, aut fictitiæ curationis causæ: hoc quod à naturâ profectum esset si daretur, omnes omnino morbos quantumvis graves aut deleterios, aut certam horum speciem sublatò omni recidivæ metu certò certius persanaret, nullâ habitâ loci, temporis, personarum, aut *vis* ratione: verum, ad insitar radij continuò promoti, à corpore suo efflueret, in orbem diffunderetur, suam certam adi- vitatis sphaeram haberet, quædam etiam per corpora alia penetraret: quid plura tantum & tam diuturnum eius fieret effluviu, vt ad spacia amplissima sufficeret explenda, nullo tamen sui aut ani- mæ ex quâ deflueret vel minimo detrimento. quod certe fingere facilius est quàm invenire.

Ergo non est insita alicui homini naturaliter vis curandi morbos.

DOMINI DOCTORES DISPVATVRI.

M. Petrus Perreau.

M. Ioannes Armandus de Mauvilain.

M. Claudius Bertinus Diexinoie, Botanices Professor.

M. Stephanus Bachot.

M. Ioannes Baptista Moreau, Professor Regius.

M. Eusebius Renardot.

M. Ioannes Hamon.

M. Petrus de Beauvains.

M. Franciscus Guenaut, Schola antiquior Magister, Regius Archiater.



Proponebat Lutetiæ LVDOVICVS MORIN Cenomanus. A. R. S. H. M. DC. LXVI.